

**Angutit arnallu persuttaasartut katsorsarneqarfissaannik pilersitsinissamut
Naalackersuisut suliakkerneqarnissaannut Inatsisartuni aalajangiiffigisassatut
siunnersuut**

(Inatsisartunut ilaasortamit naaja Nathanielsenimit, Inuit Ataqatigiit, saqqummiunneqartoq)

pillugu

Inatsisartut Ilaqutariinnermut Ataatsimiititaliaannit saqqummiunneqartoq

Aalajangiiffigisassatut siunnersuutip aappassaaneerneqarnerani saqqummiunneqartoq

Ilaqutariinnermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Debora Kleist, Inuit Ataqatigiit
Inatsisartunut ilaasortaq Jane Petersen, Inuit Ataqatigiit
Inatsisartunut ilaasortaq Astrid Fleischer Rex, Demokratit
Inatsisartunut ilaasortaq Ruth Heilmann, Siumut
Inatsisartunut ilaasortaq Knud Kristiansen, Atassut

Ulloq 6. oktober 2010-mi siunnersuutip siullermeerneqarnerata kingorna sukumiinerusumik suliarineqartussanngorlugu Ilaqutariinnermut Ataatsimiititaliamut innersuussutigineqarpoq .

Siunnersuutip imarisaa siunertaalu.

Nunatsinni nakuusernerup annertunerujussuata akiorniarneqarneranut piviusorsioratumik pinaveersaartitsinermilu suliniutit annertusarneqarnissaat siunnersuuteqartup siunnersuuteqarnermigut kissaatigaa. Angutinut arnanullu annersaasartunut inuiaqatigiit piviusorsioratumik katsorsaanermik neqerooruteqartarnissaasa qulakkeerneqarnissaa siunnersuuteqartup siunnersuuteqarnermigut kissaatigaa. Sumiikkaluaanniluunniit timikkut tarnikkullu annersaasarneq siunnersuummi pineqarpoq.

UKA 2010-mi siunnersuutip siullermeerneqarnera.

Siullermeerinnermi siunnersuut ilusimisut iluseqartoq tamanit tapersorsorneqarpoq. Naalackersuisunut Inatsisartunullu ilaasortat suliarinninnerup nalaani inuiaqatigiinni nakuuserarneq ataatsimoorlutik ima akerliuffigitigaat, isumaqatigiinneq ima annertutigaluni naalackersuinnermik suliaqartut nakuusertannginnissaq ataatsimut naqissuserlugu.

Siunnersuummik Ilaqutariinnermut Ataatsimiititaliap suliarinninnera

Siunnersuutikkut Inatsisartunilu aallarniutigalugu suliarinninnermi kalaallini inuiaqatigiinni innuttaasut akornanni annertuumik nakuusertoqartarnerata tamanit akuerineqarsinnaangilluinnarnera aallunneqarmat Ilaqutariinnermut Ataatsimiititaliami ilaasortat akornanni annertuumik naammagisimaarneqarpoq. Kinaluunniit nakuuserfigineqaraluarpat nakuusernerluunniit qanoq iluseqaraluarpat akuerineqarsinnaangilaq. Akissuteqaammi, oqaaseqartartu7p saqqummiussaani oqallinermilu oqaatigineqartut Ilaqutariinnermut Ataatsimiititaliap uteqqissanngilai, siullermeerinermili oqaatigineqartut ataatsimut isigalugit innersuussutigiinnassallugit. Siullermeerinermili immikkoortut ataasiakkaat Ilaqutariinnermut Ataatsimiititaliami isumaliutiginnissaannut tunngavissaqalersitsipput.

Inunnut nakuusertartunut katsorsaanissamut neqeroorutit imassaat erseqqinnerusut suliassaqarfimmi immikkut ilisimasalinnut Ilaqutariinnermut Ataatsimiititaliap toqqissisimalluni isumagisassanngortippai.

Katsorsaanermi neqerooruteqartarnej qanoq iluseqassanersoq illutassallu qanoq aaqqissuunneqarsinnaanerata aammalu illoqarfinni nunallu immikkoortuini siuarsaasoqarnissaa pillugu siullermeerinermi arlalinnik oqariartuuteqartoqartoq Ilaqutariinnermut Ataatsimiititaliap maluginiarppaa.

Tassunga atatillugu nunatsinni ilaqutariinnut sullissivinni katsorsaanissamut neqeroorutit ataatsimut isumaliutigineqarnissaat pillugu Naalakkersuisut siunnersuutaat tapersorsorneqarmata Ilaqutariinnermut Ataatsimiititaliap maluginiarppaa. Angutitut arnanullu nakuusertartunut katsorsartinnissamik neqeroorut nunatsinni qimarnguinni suliamut aamma ataqatigiissaarneqarsinnaavoq.

Siunnersuutip matuma siullermeerneqarnerani eqqartorneqartut allat tassaapput imigassaq nakuusertarnerlu.

Imigassartorsimaneq nakuusertarnerlu ingiaqatigiikkajuttartut Ilaqutariinnermut Ataatsimiititaliami ilaasortat ilisimavaat. Tassunga atatillugu Naalakkersuisunut kaammattuut ima iluseqartinneqassaaq, Naalakkersuisut imigassamut politikki ima annertusassagaat nakuusertarnermik pinaveersaartitsisoqarluni. Tamatumunnga atatillugu kommunit aningaasaqarnermik pissuteqartumik imigassamik ajornartorsiuteqartunik katsorsaaarnermut aningaasatigut ikiorsiissutinik annertuumik annikillisaanerata ernumanartorujussuuvoq, pissutsilli pillugit siunnersuummullu tunngatillugu Naalakkersuisut kommuninik oqaloqateqarniarnerat Ilaqutariinnermut Ataatsimiititaliap naammagisimaarlugu maluginiarppaa.

Nakuusernarnermut atatillugu angutit arnallu nakuusernarnermut katsorsartinnissamik neqerooruteqartarnej nakuusernarnerup akiorniarneqarneranut suliniarneq kisimi ingerlanneqarsinnaanngitsoq Ilaqutariinnermut Ataatsimiititaliaq isumaqarpoq. Katsorsaanissamik neqeroorut allatut ajornartumik allanik aalajangersimasunik minnerunngitsumillu nakuusernernut tamanut nakuusertartunullu tamanut sammititamik isummertarnerup suliniutiginnissaanut suliniutinik ilaneqartariaqarput. Tamanna suliffinni, meeqqat atuarfiini, ilinniagaqarfinni, pinerluuteqarsimasunut inissiisarfinni, meeqqat inuusuttullu ornittagaanni, unnukkut orninnineqarsinnaasuni tusagassiuutit iluaqutaasinnaasullu allat atornerisigut ingerlanneqarsinnaavoq, taamaalilluni nakuusernarnerup atugaaneranut sammitinneqartumik isummertarnermut suliniutinik suliaqarnej nunatsinni innuttaasunut ilaqutariinnullu tamanut anngussinnaaqqullugu.

Namminersorlutik Oqartussat suliniutaat katsorsartinnissamillu neqeroorutaat siunnersuummi matumani pineqarmata Ilaqutariinnermut Ataatsimiititaliamit erseqqissaassutigineqassaaq.

Minnerunngitsumillu danskit oqartussaasunik suleqateqaqqullugit Naalackersuisut kaammatorneqarput, taamaalilluni pineqaatissinneqarsimallutik isertitsivimmiitinneqartut nakuusertannginnissaannik pinerluuteqarsimasunik nakkutilliinerup iluani neqeroorfigineqartarnerat nukittorsarneqarsinnaaqqullugu.

Nakuusernarnermut imigassamillu atornerluinnermut pinaveersaartitsinermi suliniutit allat pillugit Naalackersuisunit paasissutissiissutitut saqqummiunneqartut ataatsimiititaliamit maluginiarneqarput. Innuttaasut Peqqissuunissannik Suliniut, Inuuneritta ilaatigut suliniuteqarpoq, aammali meeqqat atuarfianni "Nakuuserneq pinnagu oqaloqatigiinneq"-mik suliniut pillugu politiit pinerluttaalisitsinermi suliaqarput. Meeqqat inuusuttuaqqallu atuarnerisa ingerlanerani persuttaasernerup atugaaneranut sammititamik annertunerusumik suliniuteqartoqartariaqarnera aalajangersimasumillu pilersaaruteqartoqartariaqarnera pingaaruteqartoq persuttaasarneq pillugu atuarfinni pinaveersaartitsinernik suliniuteqarnermut atatillugu Ilaqutariinnermut Ataatsimiititaliap oqaatigissavaa. Aammattaaq atuarfinni pinaveersaartitsiniarnerit persuttaasartunillu katsorsaanissamik neqerooruteqartarnissaq meeqqanut inuusuttut nunaqarfinni isorliunerusunilu innuttaasunut iluaqutaanissaa matumani pineqarpoq.

Persuttaasernerup akuersarneqannginnissaanut nunatsinnilu persuttaasernerup innuttaasut naleqartitaannut ilaannginnera tunngavigalugu meeqqat inuusuttullu inunnik nuannaartorisqaarnissaat pingaaruteqartoq Ilaqutariinnermut Ataatsimiititaliap aammattaaq erseqqissassavaa.

Paarisami pinaveersaartitsinermik suliniutit nunatsinnilu qimarnguiit annersaasarnermut pinaveersaartitsinermik suliniuteqarnermut pitsaasumik nalituumillu tunniussaqaarsinnaasut Ilaqutariinnermut Ataatsimiititaliap eqqumaffigaa.

Matumani siunnersuuteqarnikkut suliniutinik iliuitsinillu ingiaqateqartillugit persuttaasarneq iliuseqarfigineqaarsinnaasoq ataatsimut isigalugu Ilaqutariinnermut Ataatsimiititaliaq isumaqarpoq.

Persuttaasarnerup inuiaqatigiinni atugaanerujussua akiorniarlugu suliniutit tamarmiusut naammanngitsutut siunertamullu tulluanngitsut paasinarsippat, persuttaasarnerup akiorniarneqarneranut suliniarnermut aaqqiissuteqarnissamut annertusaanissamullu Ilaqutariinnermut Ataatsimiititaliaq pimoorussilluni peqataajumavoq.

Siunnersuutip aningaasatigut kingunerisassai

Siunnersuutip piviusunnngortinneqarnissaanut aningaasatigut kingunerisassaasa allaaserineqarnerat siunnersuummi saqqummiunneqanngilaq, siunnersuummilluunniit siullermeerinermi immikkut eqqartorneqaarsimanani. Akerlianilli siunnersuut piviusunnngortinneqassanngikkaluarpat aningaasatigut kingunerisinnaasai sukumiinerusumik aamma ersarissarneqaarsimanngillat.

Siullermeerinerмили erseqqissaatigineqarpoq inuiaqatigiinni kalaallini nakuuserneq inuiaqatigiinnut ataatsimut annertuumik kinguneqartartoq – tamatumani nakuusernerup aningaasaqarnikkut toqqaannartumik toqqaannanngitsumillu kingunerisaanut (nassatarisaanut) kisitsisinik taasisoqanngikkaluarluni. Nakuusernermilli pinaveersaartitsineq annertusisaq ataatsimut isigalugu inuiaqatigiinnut annertuumik iluaqutaassasoq Ilaqutariinnermut Ataatsimiititaliap qularinngilaa.

Siunnersuut ilusimisut iluseqarluni piviusunnngortinneqassappat tamanna aningaasaqarnikkut kinguneqartariaqassaaq. Piffissaq qaninnerusoq eqqarsaatigalugu akeqassaaq, piffissarli ungasinnerusoq eqqarsaatigalugu inuiaqatigiinnut annertuumik sipaarutaassaaq inunnullu iluaqutaalluni.

Katsorsartinnissamik neqeroorutinik pilersitsinissamik taakkuninngalu ataqatigiissaarinissamik Naalakkersuisut suliaqaqqinneranni aningaasaliissutit iluani tiguneqarnissaat ataatsimiititaliamit naatsorsuutigineqarpoq.

22. oktober 2010

UKA 2010/37

Aammattaaq aningaasanut inatsisissatut siunnersuutissami katsorsartinnissamik neqeroorutissanut siunnersuutini aalajangersimasunik Naalakkersuisut saqqummiussissasut naatsorsuutigineqarpoq.

Siunnersuummut tassunga atatillugu suliniutissanut aalajangersimasunut Naalakkersuisut 2011-mi saqqummiusseriissasut Ilaqutariinnermut Ataatsimiititaliap kaammattuutigaa.

Inassuteqaat

Taama oqaaseqarluni siunnersuut ilusimisut iluseqartoq akuersissutigineqassasooq Ilaqutariinnermut Ataatsimiititaliap isumaqatigiittup inassutigaa.

Taama naatsumik oqaaseqarluni Ilaqutariinnermut Ataatsimiititaliap aalajangiiffigisassatut siunnersuut Inatsisartunut inaarutaasumik aappassaaniigassanngortippaa.

Debora Kleist
Siulittaasoq

Jane Petersen
Siulittaasup tullia

Astrid Fleischer Rex

Ruth Heilmann

Knud Kristiansen